

涇陽縣志卷之五

劉璜

王瀾

邑令王際有纂修

邑庠生劉良股全校

師維會

牛光襄

官師志

守土而治其貢賦豈滄古微發期會遂足副天子使
吏之意將以宣慈布惠達民隱子困窮也邑之先為
涇陽縣志

卷之五

涇陽君食邑地攷涇陽君門下未聞有如馮煖之賢
收責其地者見逐於范睢宜哉自漢迄元吏茲土者
或傳或不傳史冊所載蓋時有愷悌之君子焉洪武
以後述於舊志者行能不一其間誰嗣歌而勿剪咏
者於今彰彰也至學宮諸博士所稱位卑而道尊北
面人宗堪為經師者亦不乏人為著其行實使後之
人有所攷鏡焉作官師志第五

分封

周

秦公子市或曰名悝秦昭襄王弟也赧王二十四年封涇陽君已又封宛兄顯曰高陵君並與穰侯魏冉同時用事

漢

周繆沛人常爲高祖參乘以舍人從起沛至灞上西入蜀漢還定三秦食邑池陽軍之東也乍利乍不利終無離上心遂以爲信成侯已又封蒯成侯

鎮守

唐

涇陽縣志

卷之五

二

郭子儀華州鄭人以武舉異等初補左衛長史當安祿山之亂也討賊屢有功遂平河北復京師收東都歷進副元帥封汾陽王數以毀罷會僕固懷恩陰召回紇並吐蕃入寇犯奉天武功詔起子儀率萬人屯涇陽時回紇謂子儀已死因恠問之曰郭令公誠存我得見乎子儀謂其左右曰回衆數十倍難以力敵吾將出示以至誠左右諫不聽請以五百騎從亦不聽卽以數十騎出免胄見其回長曰諸君同艱難人矣何忽忘忠誼而至是回紇棄兵下馬拜曰果吾父

也子儀卽召與飲誓好如初因謂曰彼吐蕃本吾舅甥國無負而來棄親也其馬牛被數百里公等若倒戈乘之如拾芥此天錫不可失也逐戎得利與我繼好不兩善乎衆許諾俟吐蕃引去遂以兵合回紇追躡之破其衆十萬靈臺西原已而吐蕃寇涇州子儀復屯涇陽邀戰靈州敗之歷攝冢宰號尙父進中書令祀各宦

金

盧安撫史逸其名初金國於仲山之巔下臨涇水處涇陽縣志

卷之五

三

爲山寨屯兵其上置安撫司以主其事金末爲安撫者盧也壬辰元兵收陝西盧與妻子俱投涇水而死時人哀之

明

耿秉文洪武初以長興侯鎮守陝西修築洪渠堰又浚渠十萬三千餘丈民咸利之祀名宦

風憲

諸公故實詳見水利

漢

兒寬千乘人也武帝元鼎間爲中大夫遷左內史治

民有惠政民大信愛之因表奏開六輔渠定水令以廣漑田歷御史大夫

趙中大夫白公武帝太始二年爲中大夫奏鄭渠北復穿渠漑田名曰白渠至今利賴焉

唐

長孫祥永徽間爲雍州長史時鄭白渠以多碾磴耗竭水利祥上言因命祥行縣毀之

李元紘開元間爲京兆少尹毀白渠傍水磴之湑逼爭利者蓋唐時京兆少尹專督視涇上渠堰云

涇陽縣志

卷之五

四

李栖筠廣德間爲戶部侍郎時白渠上多寺觀碾磴耗水栖筠奏拆之以廣水利

黎幹大曆間爲京兆尹開鄭白支渠水利便之

宋

皇甫選至道間爲大理丞至縣經度三白渠

何亮至道間爲光祿丞與皇甫選同經度三白渠

孫冕至道間爲著佐總三白渠

葉清臣字道卿長州人慶曆間知永興軍浚三白渠

漑田踰六千頃

周良孺爲都水丞議自石門開渠引涇水至三隈口以廣白渠溉田之利詔從之

穆京大觀間爲主客員外郎上言開豐利渠上卽命京視役且撫問官屬給賜工師緡錢渠成至今賴之趙佺大觀間爲永興軍路提舉常平使者穆京所關豐利渠佺蓋董其事云

元

梁泰至元間爲宣差規措三白渠使經治有道

伯顏帖木兒大德間爲屯田府總管兼司河渠時涇渠利微帖木兒爲疏道之水乃如故

涇陽縣志

卷之五

五

別帖木兒京師人至治間以拱衛直都指揮使宣差屯田府事兼司河渠大定初修洪渠帖木兒督之水利倍常

蠻文彬至元間爲屯田監府穿修洪渠七十餘里有禪水利

虎仲植至元間爲屯田府總管與文彬同修洪渠者宋秉亮至正間爲陝西諸道行御史臺監察御史行部至縣親閱鄭白等渠因建言興壞之方甚辨

有條
議見

水利

牙八胡至正四年爲屯田同知開渠堰鹿巷人便之
楊欽至正間爲屯田府都事嘗修治涇渠

明

項忠成化初爲陝西巡撫副都御史請自舊渠上開
鑿石山一里餘引谷口土流入渠名曰廣惠渠

余子俊成化間爲陝西巡撫右都御史經畧各渠堰於
大龍山鑿五竅以取明疏其渠之曲折淺狹者

阮勤成化間爲陝西巡撫副都御史發帑募工築修

涇陽縣志

卷之五

六

渠堰鑿石引涇入渠溉五縣田八千餘頃

曾能成化間爲陝西布政督修涇渠

鄧山成化間爲陝西叅政時修涇渠與曾能同董其
役

劉端成化間爲西安府同知明曉水利委心民事修
渠人被其澤旣去民追思之

蕭翀正德間爲陝西巡撫都御史鑿石爲渠長四十
二丈名通濟渠

沈子章萬曆末爲邠乾兵巡道親歷涇渠察其利病

督夫疏濬更於洪口設立水夫伺防壅漏以爲入遠之謀民獲其利焉

右分封鎮守非官師也然分封食邑其地地之錢穀簿書徵發號令皆封君主之若鎮守則保障係焉况如郭令公之德業照耀史冊者乎至風憲諸公修鑿涇渠有功德於民故並列長吏之先

縣令

漢

杜軫爲池陽令治爲雍州諸邑最百姓立祠祀之入

涇陽縣志

卷之五

七

名宦

王吉字子陽瑯琊阜虞人也少好學明經以郡吏舉孝廉爲郎補若盧右丞遷雲陽令舉賢良爲昌邑王中尉數諫正王及王之入繼而旋以淫亂廢也諸昌邑舊臣皆坐法誅吉以嘗諫正故減城旦後起家爲益州刺史徵爲博士諫大夫以上言不聽謝病歸吉與貢禹爲友世稱王陽在位貢公彈冠言其取舍同也

並史失其姓元帝時爲池陽令素行貪污會野王爲

左馮翊並輕其外戚年少治行不改野王乃案驗法之語在野王傳

朱博字子元杜陵人也初爲縣亭長歷安陵丞成帝朝王鳳秉政長史陳咸薦博除莫府屬鳳竒之舉博櫟陽令已徙雲陽又徙平陵以高第入爲長安令官至丞相封陽鄉侯

隋

房彥謙字孝冲清河人大業中爲司隸刺史時隋政漸亂朝紳靡然而彥謙介直孤立執政者嫉之出爲

涇陽縣志

卷之五

八

涇陽令居官所得俸祿皆以周恤親友家無餘財車服器用務存素儉雖至屢空怡然自得嘗從容獨笑顧謂其子玄齡曰人皆因祿富我獨以官貧所遺子孫在於清白耳未幾卒於官彥謙爲人廉介又善草隸得其尺牘者皆寶翫之唐興以子玄齡故追贈徐州都督臨淄縣公

唐

萬齊融開元間爲涇陽令與賀知章輩及僧曇一爲儒釋之遊

韋滌德宗時爲縣令詔曰涇陽令絜已亮且處事通敏一道之內獨無怨言可僉工部員外郎祀名宦
韋紳鄉未詳何時人爲縣令邑中豪家爲水碾侵渠水令皆破之剝民田萬餘頃祀名宦

李行言宣宗時爲縣令上遊獵於苑北遇樵夫問其縣曰涇陽人也令爲誰曰李行言爲政何如曰性執有強盜數十人匿軍家索之不與盡殺之上歸貼其名於寢殿之柱冬十月行言除海州刺史入謝上錫金紫問曰卿知所以衣紫乎對曰不知上取殿柱之涇陽縣志

卷之五

帖示之祀名宦

朱勃爲雲陽令按東漢書光武時有朱勃扶風茂陵人爲涇城宰舊志乃謂唐時令又不言何處人豈漢朱勃嘗令涇陽舊志誤以爲唐官抑唐時又別有朱勃也不可攷

宋

趙隣幾舊志云初知整屋咸陽二縣爲治清而不煩民安之每覽訴牒必喻以曲直訴者多心伏引去後調知涇陽縣按史隣幾與何承裕同傳隣幾須成人

周進士歷校書郎許州宋州從事宋太宗召爲右贊善改宗正丞遷右補闕數月卒安得有爲合事而承裕者後晉進士有清才嗜酒狂逸入宋室歷著作佐郎直史館爲蓋屋咸陽二縣令然爲治清而不煩民頗安焉後歷侍御史累知忠萬商三州則嘗爲涇陽合必何承裕也以爲趙隣幾者誤

李同天聖間爲都官員外郎曾言三白渠事宜因命知涇陽縣領三白渠事

范育字異之邠州三水人神宗朝進士爲涇陽令尋

涇陽縣志

卷之五

十

以養親謁歸從張橫渠氏學起家歷官戶部侍郎嘗請上用誠意正心爲治有爭棄質孤勝如兩堡及城李諾平汝遮川等議時以爲重

侯可字無可華陰人初孫沔征儂瓘請參軍事以功歷簽書儀州判官韓琦之鎮長安也薦知涇陽縣嘗說渭源羗輸地八千頃因城熟羊以撫之琦上其功又議增鑿白渠得召對旋以微罪罷官至殿中丞可輕財樂義有卓行

袁灼建中靖國元年爲雲陽令咏移任雲陽詩

見藝文

王康朝字公起河南人大觀初爲雲陽宰宣種間承節郎兼孟店鎮酒稅楊葆光於所題法相寺壁間詩跋曰公在大觀初作雲陽宰施及惠政民今懷之其文章翰墨推稱當世題法相院才一絕句猶爲採詩者所賞然騷雅之什宛若清廟之瑟一唱而三嘆者宜珍護也命工模刻託茲堅珉以永其傳觀此則康朝蓋宋之名人云 詩見藝文

宋彥通宣和間爲縣令政不苛民亦不擾

金

涇陽縣志

卷之五

十一

王浩以吏辟爲涇陽令廉白爲關輔第一時西臺督州縣植棗甚急浩獨無所問所司將罪之浩曰是縣所植已滿其數若欲增之必盜他人所有取彼置此未見其利也其愛民多此類

蕭貢咸陽人大定間以進士爲縣令有美政後遷尙書元

王琚字仲瑗濟南鄒平人大德間爲縣令與伯顏帖木兒共疏涇渠後遷陝西諸道行御史臺監察御史

上言於豐利渠上更開石渠渠成民賴之
李太不花至元間爲縣令蠻文彬之修洪渠也太不
花實董其役云

李克忠至正間爲縣令與牙八胡同修鹿巷

明

俞思義四川新繁人洪武中以人材任爲政廉勤和
緩民追思之

曾玉字士絜四川涪州人正統末任臨政嚴謹然有
惠愛深得民心任滿保畱再任前後二十餘年政績

涇陽縣志

卷之五

十二

澤民者不能盡述修城其一云

高瑀天順間以舉人任政聲無甚著聞

龐輔山西寧鄉人成化初以舉人任持身端謹事上
不阿民安其政後陞階州知州

暢亨山西河津人進士弘治初以監察御史左遷涇
陽知縣剛方明決民心悅服未及期邑以大治增開
治水利渠民爲立祠祀之入名宦

劉湜河南太康人弘治間以進士任剛斷持正毀境
內寺及諸淫祠幾盡繕學宮增修內外學廬生儒德

之

宋鑑河南華縣人弘治間以舉人任政尙寬和然不可犯任九年民無怨者以滿去

劉仲和山西臨縣人正德初以舉人任明達疏爽百姓畏而愛之後世蘭州知州

任秉忠正德間以舉人任無稅政亦無賢聲

李溥正德間以舉人任剛毅有力不黷貨益令之良者

吳瑛四川羅江人嘉靖間以舉人任才具頗優顧任

涇陽縣志

卷之五

十三

巧詐以劾罷

荆晟山西猗氏人嘉靖間以舉人任舞智御人取辦文具其聽訟煦煦故爲家人父子狀民以故徃徃誦說焉然實假此以眩民爲有識者溥之陞霸州知州仍以此劾罷

霍鵬山西太原府人嘉靖間以進士任爲人豪放遇事立辦雄飲喜吟自守無訾也陞西安府同知

張逢源四川綿州人嘉靖間以舉人任無何以告訐罷

張朝銳河南澠池人嘉靖間以舉人任性過長厚以
詞簡去

李引之北直束鹿人嘉靖間以舉人任才足理事更
喜多言邑中以藏經目之後以憂去

白容山西朔州人嘉靖間以舉人任政無令名以告
訐罷

錢昆湖廣人嘉靖間以監生任庸茸無威儀未幾罷
張瀾山東濱州人嘉靖間以舉人任居二年許以憂
去

涇陽縣志

卷之五

十四

何體乾山西汾州人嘉靖間以舉人任僅年餘聞御
史行部且至輒解印綬去

連應魁河南武安人嘉靖間以監生任在任二年以
告訐罷

屈諫山西長治人嘉靖間以進士任爲政三年陞戶
部主事

樊鍾岱山北直清苑人嘉靖間以進士任在任二年以
憂去旋以劾罷

劉得寬山西安邑人嘉靖間以進士任在任二年以

調簡去

朱友達四川彭山人嘉靖間以舉人任在任六年以調簡去

王時演北直內黃人嘉靖間以舉人任在任三年以降調去

沈紹先北直安州人嘉靖末以舉人任爲政三年陞邠州知州

楊歸儒河南府人隆慶初以進士任爲政三年陞工部主事

涇陽縣志

卷之五

十五

翟廷楠山西渾源州人隆慶間以進士任爲政四年陞南大理寺評事旋以考察罷

傅好禮北直固安人萬曆初以進士任愛民禮士有古循吏風更勤修葺官署文廟學宮一時改觀請邑人魏恭襄作縣志陞工部主事民立祠祀焉

蕭汝芳字豐源遼東鐵嶺衛人萬曆間以進士任剛直尙風裁陞部主事與傅公同祠

張邦政號平寰北直滿城人萬曆間以進士任廉潔自矢然性稍急陞刑部主事官至知府

趙光遠山東益都人萬曆間以進士任爲政慈和陞
部主事

王之鑰河南洛陽人萬曆間以進士任高自標植長
吏之有丰稜者陞部主事祀名宦

彭健吾北直邢臺人萬曆間以進士任少介摻以計
察去

馬之服號松蘿河南夏邑人萬曆間以進士任真切
愛民而用法以嚴陞刑部主事

寧之翰字林閣山西聞喜人萬曆間以進士任精察

涇陽縣志

卷之五

十六

勤敏兼有子惠聲以降調去後官方面與傅蕭二公
同祠

袁化中字熙宇山東武定州人萬曆間以進士任愷

梯樂易接士民若家人父子古召杜之流也百姓祠

祀之行取御史後疏斥魏璫下獄處祀名宦

有條議
見水利

張紹先字重光北直鉅鹿人萬曆間以進士任洞達

機宜事無畱滯以降調去後官通政

苗思順字聚百河南寧陵人萬曆末以進士任治不

擾民能課士尤長於詞翰詩歌陞部主事

路振飛字皓月北直曲周人天啟末以進士任性清介更嫻吏事崇禎二年寇亂從容指畫邑中賴以安堵百姓祠祀之行取御史歷官漕撫軍門祀名宦
梁士淳字梁奕北直真定人崇禎初以進士任清勤愛民修築城垣賊至恃以無恐人服其先見云以憂去祀名宦

朱國壽字主生北直宛平人崇禎間以進士授蒲城調涇陽才具簡畧不務爲赫赫名以計察去後官

方面

王瑄山東諸城人崇禎間以進士任剛決負氣每喜

涇陽縣志

卷之五

十七

談兵時寇至督鄉兵捍禦之死者千餘人以計察去後官方面

高去奢字柱河北直寧晉人崇禎間以進士任修城賑饑英敏有爲以憂去後爲御史官至太常寺卿李天篤字媿庵北直雄縣人崇禎末以進士任醇樸慈祥遇事少斷爲寇所迫士民惜之

皇清

張錫蕃字康錫湖廣安陸人舉人順治初以僞職任未幾遭星誤誅

靳彥選字美吾遼東人順治間以監生任陞鳳翔府知府
張應召字紹覺福建福清人順治三年以貢士任新
學宮疏白渠抑豪強賑貧乏催科聽斷寬簡咸宜吏
民畏愛之西域人踞文塔襄且擾歷前令數十年不
敢問一旦去之邑人稱快姜驥叛大同與秦寇王用
強爲援用強出嵯峨山陷州邑壁壘連涇界應召屹
不爲動厲士民登陴固守三閱月賊不敢薄城下邑
賴以安在任四年以忤直指罷邑人立祠崇報焉後
封中憲大夫贈通議大夫

金漢鼎字紫汾浙江義烏人順治間以進士任行取
歷陞兵科都給事中候補京卿

張從字天行河南固始人順治間以貢士任因冢難

滕元鼎字梅羹順天宛平人順治末以貢士任陞廣

東儋州知州

王際有字書年江南丹徒人康熙間以進士任

自漢以來世遠人湮不無遺逸其先朝之可考者

萬曆以前仍舊志萬曆以後採取輿論僭爲鑒定

至國朝諸公存與仕者恐涉毀譽未敢紀其行事除後之君子論定焉

縣丞

明

范旻四川成都人

王綸山西黎城人

鄭熙之北直衡水人

雷騰龍山西汾州人剛正能自守

林棠四川人

范燦南直人

姜鏗山東人有機變處繁裕如亦一時之能吏也

涇陽縣志

卷之五

十九

石鳳儀山西介休人有廉操負氣嘗與長官忿爭然稍駭吏隸時爲隱語戲侮之已乃大噓

譙陞四川南充人

吳子和四川人

聶相山東臨朐人長厚有禮能起人敬愛遇民疾苦輒爲墮淚其清介之操公服下卽做裳衣之澹如也

陞江西崇信縣知縣

張時馨山西壺關人

王樸北直河間人

任大受山西絳縣人

陳嘉表

曹命值流賊之亂有訓練才

呂初泰以貢士任博洽好文有詩賦小集

劉寰以貢士任時遇兵荒訓練省賑頗殫心力百姓德之

張自修以貢士任謹飭稱良吏

皇清

康晉侯順天大興人順治初以吏員任陞江西瑞州

涇陽縣志

卷之五

二十

府經歷旋以折糧罷

孫繼緒湖廣應城人順治間以貢士任年老去

胡師夔字白樂順天大興人順治末以貢士任病休

去

張肯綮字式似江南巢縣人康熙間以貢士任

主簿

宋

呂義山浙江蘭谿人以進士任涇陽主簿遷知武功百姓親之官至戶部侍郎

元

雷貴高陵人縣令以才賢舉監稅官宣撫司辟爲縣丞後陞主簿歷三原涇陽櫟陽三縣又改朝邑及洛川治縣二十餘年猛不殘義寬不宥姦與許曾齋同

時

明

潘敏宿遷人景泰中以吏員任爲人果斷敏達遇事迎刃而解開修水利增新廟學民仰其惠

張銑北直人剛斷善怒時或躬自蹴人然人殊稱之

涇陽縣志

卷之五

二十一

扈滋北直安肅人性朴鈍

何守庸四川儀龍人頗廉惜少才

白廷相山西人才守兼優

清霜山東人治行甚嘉而體貌更偉簿之表表者

蔡繼先山東曹縣人有文學廉平忠厚亦良簿也

胡希周河南新蔡人

崔鶴山西河津人

曾鳳起四川巫山人

崔宗堯河南溫縣人

王三聘山東人

徐汝華江西南城人

張僮北直天津衛人

郭史浙江山陰人

張邦弼任事敢為

劉進瓏

朱師孔修渠頗著勤勞

郭慎始

崇禎末裁其官

典史

涇陽縣志

卷之五

二十二

唐

韓臯字仲開長安人資質重厚有大臣器德宗時為雲陽尉策賢良方正異等拜右拾遺歷官吏部尚書穆宗加右僕射大抵以簡為治所至有績

明

賈奎北直真定人

劉瑀北直人

李祿四川內江人頗以能稱

曹煥北直真定人美體貌尚氣槩事上臨下井井有

條尉之最著者也

張寧山西翼城人性喜飲

傅重四川人

石胤芳山東恩縣人

管取湖廣襄陽人

袁世康北直永年人

王桂芳被逐去

許大京勤敏得民譽

皇清

涇陽縣志 卷之五

薛有聲浙江定海人順治初以吏員任 計察罷

陳鼎新順天宛平人順治間以吏員任陞江南武進

縣巡檢

范守禮福建漳浦人順治間以吏員任被劾罷

陳中元字廷擢北直長垣人順治末以吏員任

教諭

明

馬煥高陵人訓士有績授監察御史

員紀河南許州人正統中以舉人任勤教自守言行

足爲士法陞西安府學教授

徐安四川蒲江人天順初以舉人任誨人勤懇生儒蒙其教育者多所成就陞江西萬安縣知縣

楊潤山西河津人天順間以舉人任嚴條格善訓迪禮度端謹爲一時教職最歷陞國子監監丞益不忝於文清薛公之門云祀名宦

許儼四川眉州人博學能文誨人誠切親與諸生爲文會後登進士

譚堯四川銅梁人

涇陽縣志

卷之五

二十四

樊華四川人渾厚中有風岸士憚之

王表四川金堂人風度可爲矜式惜過嚴耳

王璋河南汝陽人

王以賢四川南部人輕利督諸生爲文會有聲

賈上策山西交城人遇諸生以剛暴幸才不足以濟之

吳應叩四川內江人

高山四川南充人

陳一廉四川巴州人

李享嘉山東人

孔喬第北直南宮人

譚謙益四川銅梁人以舉人任勤於訓士甚著風裁
官至主事

楊泰禎山西曲沃人以舉人任持身端謹陞淳化縣
知縣

戴自成湖廣漢陽人以舉人任綽有令譽登進士官
至知府

羅世濟平利人以舉人任怡情詩酒有逸才陞河南

涇陽縣志

卷之五

二十五

通池縣知縣

歐植褒城人以舉人任性澹泊不計覬遺以憂去

馮光四川資陽人以舉人任博學多能後陞推官

劉爾驥中部人崇禎末以貢士任投誠之後以失印

罷

皇清

張可薦延長人順治初以貢士任陞西安府教授

甯昌祖寧夏人順治間以貢士任陞鳳翔府教授

李天民沔縣人順治間以貢士任陞江西武寧縣知

縣

范韓儕真寧人順治間以舉人任 計察罷

鞏我閱字子繩真寧人康熙間以舉人任

訓導

明

霍奇山東單縣人督諸生爲文會其饌具每捐俸佐之善詩尤喜聯句雅有風韻

梁諗湖廣鄖西人有德量幾於喜怒不形嘗秉燭教士相得甚歡衆方望其遷而忽以老免惜哉

涇陽縣志

卷之五

二十六

楊世桂四川長壽人性和平能文不受貧士節餽甚或以所受他士者反遺之

馬模山西安邑人練習世故敢於有爲但善罵士以此薄之

賈察西川人

劉一鳴四川保寧人遇生徒有禮絕不以束修爲意錄貧士數十壁間卽有餽弗受也未幾卒於官無一金爲殮蓋教職之至清介者

南應奎永昌人

劉光漢中部人

向日芳

陸守中蘭州人

李長春漢中人

羅奇錦兩當人

許養德山西人

李克昌富平人

皇清

馮熙淳岐山人順治初以貢士任陞華州學正

涇陽縣志

卷之五

二十七

武揚烈成縣人順治間以貢士任病故

高脫九徽州人順治間以貢士任歷陞江西高安縣

知縣

劉瑞星漢陰人順治間以貢士任歷陞河南扶溝縣

知縣

王恂延川人順治間以貢士任陞兩當縣教諭

別建奇保安人順治間以貢士任陞城固縣教諭

李燁然綏德人順治間以貢士任陞寧夏靈州守禦

所學正

史補衮安定人順治末以貢士任計察罷

康熙三年奉裁

佐貳廣文俱關政教惜舊志未詳載父老又傳聞

失真故多遺闕其所述者字號履歷年代亦不可

考

附

秦

程邈下土人爲衙獄吏得罪始皇幽繫雲陽十年從

獄中作大篆奏之始皇稱善出以爲御史使定書世

以史籀所著大篆名籀書謂邈所作大篆曰小篆魏

涇陽縣志

卷之五

二十八

恭襄曰邈非吏於土者也而以獄吏繫此十年卒作

大篆以顯當時傳後世余不敢氓焉

漢

王立建始中爲池陽獄掾時薛宣爲左馮翊池陽令

舉立廉吏府未及召立受囚家錢宣責讓縣縣案驗

獄掾迺其妻獨受繫者錢萬六千受之再宿獄掾實

不知掾慙恐自殺宣聞之移書池陽曰縣所舉廉吏

獄掾王立家私受賕而立不知殺身以自明立誠廉

士甚可憫惜其以府決曹掾書立之柩以顯其魂

元

董博霄舊志入名宦下然列傳殘闕未詳其在涇何
官與其行事無得而紀焉

涇陽縣志卷之五終

涇陽縣志卷之五